



**JADUAL PEMBACAAN
KHUTBAH JUMAAT SIRI 12/2021
(Bulan Disember 2021M)**

Tarikh	Tajuk	Bil
3 Disember 2021M/ 28 Rabi'ulakhir 1443H	LEBURKAN TAKBUR	1.
10 Disember 2021M/ 5 Jamadilawal 1443H	PERSONALITI MUKMIN BERJAYA	2.
17 Disember 2021M/ 12 Jamadilawal 1443H	SUCI HATI, BERSIH JIWA	3.
24 Disember 2021M/ 19 Jamadilawal 1443H	MERAIH KEBERKATAN HARTA	4.
31 Disember 2021M/ 26 Jamadilawal 1443H	GANJARAN BAGI MEREKA YANG SABAR	5.

Percetakan dibiayai:



زكاة قولوا قينغ

No Telefon: 04-549 8088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang (JPNPP)
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



LEBURKAN TAKBUR

(3 Disember 2021M/ 28 Rabiulakhir 1443H)

الْحَمْدُ لِلَّهِ الْمَلِكِ الْأَعْلَى الْكَبِيرِ الْوَاحِدِ الْأَحَدِ السَّمِيعِ الْبَصِيرِ الْخَافِضِ الرَّافِعِ
الْمُعِزِّ الْمُدِلِّ الْقَدِيرِ.
أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ.
أَمَّا بَعْدُ. فَيَا عِبَادَ اللَّهِ ! اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

SIDANG MUSLIMIN RAHIMAKUMULLAH,

Marilah kita tingkatkan ketakwaan kita kepada Allah سُبْحَانَهُ وَتَعَالَى dengan melakukan segala suruhan-Nya dan meninggalkan segala larangan dan tegahan-Nya. Mudah-mudahan kita menjadi insan yang bertambah keimanan dan ketakwaan di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah

serta adab, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja dan bermain telefon bimbit. Bagi melengkapi kewajipan solat Jumaat hari ini, marilah kita menghayati bicara mimbar yang bertajuk: **“Leburkan Takbur”**.

SIDANG JUMAAT YANG DIRAHMATI ALLAH,

Firman Allah SWT dalam Surah al-A'raf ayat 11-12:

وَلَقَدْ خَلَقْنَاكُمْ ثُمَّ صَوَّرْنَاكُمْ ثُمَّ قُلْنَا لِلْمَلٰٓئِكَةِ اَسْجُدُوْا لِاٰدَمَ فَسَجَدُوْٓا اِلَّاۤ اِبْلِیْسَ لَمْ یَكُنْ مِنَ السَّٰجِدِیْنَ ﴿١١﴾ قَالَ مَا مَنَعَكَ اَلَّا تَسْجُدَ اِذْ اَمَرْتُكَ قَالَ اَنَا خَيْرٌ مِّنْهُ خَلَقْتَنِیْ مِنْ نَّارٍ وَخَلَقْتَهُ مِنْ طِیْنٍ ﴿١٢﴾

Maksudnya: “Dan sesungguhnya Kami telah menciptakan kamu, lalu Kami membentuk rupa kamu, kemudian Kami berfirman kepada malaikat-malaikat: “Sujudlah kamu kepada Adam”, lalu mereka sujud melainkan Iblis, ia tidaklah termasuk dalam golongan yang sujud. Apakah penghalangnya yang menyekatmu daripada sujud ketika Aku perintahmu?” Iblis menjawab: “Aku lebih baik daripada Adam, Engkau (wahai Tuhan) jadikan daku dari api sedang dia Engkau jadikan dari tanah.”

Jawapan yang lebih tepat sebab utama keengganan iblis untuk sujud kepada Adam ﷺ dijelaskan melalui firman Allah ﷻ di dalam Surah al-Baqarah ayat 34:

وَإِذْ قُلْنَا لِلْمَلٰٓئِكَةِ اَسْجُدُوْا لِاٰدَمَ فَسَجَدُوْٓا اِلَّاۤ اِبْلِیْسَ اَبٰی وَاسْتَكْبَرَ وَكَانَ مِنَ الْكٰفِرِیْنَ ﴿٣٤﴾

Maksudnya: *“Dan (ingatlah) ketika Kami berfirman kepada malaikat: “Tunduklah (beri hormat) kepada Nabi Adam عليه السلام”. Lalu mereka sekaliannya tunduk memberi hormat melainkan Iblis; ia enggan dan takbur, dan menjadilah ia dari golongan yang kafir.”*

MUSLIMIN YANG DIRAHMATI ALLAH,

Sombong merupakan sifat mazmumah yang sangat dikeji syarak. Sifat inilah menjadi punca utama keengganan iblis untuk mentaati Allah SWT. Andai sifat ini terdapat pada seorang suami, jangan kita mengharapkan kebahagiaan dan ketenangan dalam rumah tangga tersebut. Andai ianya terdapat pada seorang isteri maka hilanglah kasih sayang pada ahli keluarga tersebut. Andai sifat ini terdapat pada seorang pemimpin maka hancur binasalah pembangunan dan kemajuan negara tersebut. Demikian bahaya sikap sombong ini.

Antara tanda-tanda sifat sombong itu ialah apabila seseorang merasa bangga dengan kelebihan dan anugerah yang diberikan oleh Allah kepadanya. Orang yang bersikap sombong seringkali akan memandang rendah terhadap insan yang lain. Sikap ini kadangkala membawa mereka jauh dari masyarakat dan pandangan Allah sehingga mereka lupa bahawa semua anugerah itu hanya merupakan pinjaman dari Allah yang boleh diambil bila-bila sahaja.

MUSLIMIN YANG DIRAHMATI ALLAH,

Umumnya sikap sombong boleh dibahagi kepada **dua peringkat:**

Peringkat pertama ialah sombong terhadap manusia. Beberapa faktor yang boleh menyebabkan seseorang itu sombong dan memandang rendah

kepada orang lain antaranya pesanan Imam Ghazali dalam *Ihya' 'Ulumuddin*:

1. Kekayaan yang dimiliki sehingga memandang hina kepada golongan miskin.
2. Kecantikan rupa paras sehingga merasa megah dengan kecantikan.
3. Merasa mulia dengan darjat keturunan sehingga memandang rendah pada golongan yang lain.
4. Ketinggian Ilmu pengetahuan sehingga merasa diri lebih tinggi daripada mereka yang tidak sama taraf.
5. Kuasa dan pengaruh yang dimiliki

Sikap sombong dewasa ini dapat dilihat pada segelintir masyarakat yang enggan berkerjasama untuk mengikut SOP yang ditetapkan oleh pihak masjid atau mana-mana premis seperti pemakaian pelitup muka dan penggunaan sejadah. Malah sikap ini menjadi lebih parah bila mereka bertindak memarahi pihak AJK masjid dan pemilik premis sehingga menimbulkan keresahan di kalangan jemaah yang lain. Mereka menyangka mereka “bebas” dari segala peraturan yang ditetapkan.

MUSLIMIN YANG DIRAHMATI ALLAH,

Sombong yang seterusnya merupakan peringkat yang paling keji iaitu **sombong terhadap Allah**. Sombong terhadap Allah bermakna enggan melaksanakan segala perintah-Nya dan meninggalkan kewajipan seperti solat, zakat, haji dan lain-lain. Kesemua itu tidak diendahkannya. Atau dalam erti kata lain, hatinya tertanam sikap tidak peduli, tidak takut, serta tidak segan untuk melanggar apa sahaja perintah Allah *سُبْحَانَهُ وَتَعَالَى*.

Sehubungan dengan ini, marilah kita mengamati nasihat Luqmanul Hakim kepada anaknya dalam surah Luqman ayat 18:

وَلَا تُصَعِّرْ خَدَّكَ لِلنَّاسِ وَلَا تَمْشِ فِي الْأَرْضِ مَرَحًا إِنَّ اللَّهَ لَا يُحِبُّ كُلَّ مُخْتَالٍ فَخُورٍ ﴿١٨﴾

Maksudnya: *“Dan janganlah engkau memalingkan mukamu kerana memandang rendah kepada manusia, dan janganlah engkau berjalan di bumi dengan berlagak sombong, sesungguhnya Allah tidak suka kepada tiap-tiap orang yang sombong takbur, lagi membanggakan diri.”*

Apa guna kekayaan yang banyak sehingga subur sikap sombong di dalam diri, sedangkan kekayaan sebenar ialah apabila tidak menjauhkan kita dari Allah, Tuhan yang mencipta dan mentadbir alam. Sikap sombong bukan sahaja dikeji dunia oleh masyarakat, lebih malang pemilik sifat sombong kelak akan ditempatkan ke dalam neraka seperti firman Allah yang bermaksud:

“Sesungguhnya orang-orang yang menyombongkan dirinya dari menyembah-Ku, mereka itu akan masuk neraka Jahannam dengan menderita kehinaan.” (Surah Al-Mu'min: 60)

Baginda ﷺ juga mengingatkan kita tentang bahaya sikap sombong ini melalui sebuah hadis dari Abdullah bin Mas'ud bahawa Nabi Muhammad ﷺ bersabda:

لَا يَدْخُلُ الْجَنَّةَ مَنْ كَانَ فِي قَلْبِهِ مِثْقَالُ ذَرَّةٍ مِنْ كِبَرٍ

Maksudnya: Tidak akan masuk syurga orang yang dalam hatinya ada sebesar zarah perasaan sombong. (Hadis Riwayat Muslim)

MUSLIMIN YANG DIRAHMATI ALLAH,

Bagi mengatasi dan membendung sikap yang keji ini, mimbar suka menggariskan beberapa langkah penyelesaian, antaranya:

Pertama: Sentiasa mengingatkan diri sendiri bahawa kita sebagai hamba Allah sentiasa berhajat kepada-Nya.

Kedua: Menyedari dan memahami bahawa segala kelebihan seperti kekayaan, kemewahan, kecantikan dan kecerdikan kesemuanya merupakan anugerah Allah yang boleh ditarik bila-bila masa sahaja.

Ketiga: Meningkatkan ibadah kepada Allah dalam apa jua keadaan bagi membuktikan sifat kehambaan yg kerdil lagi hina.

Keempat: Bersikap rendah diri sesama manusia dan tidak memandang rendah kepada sesiapa sahaja.

Sebagai kesimpulan, marilah kita bersama-sama berusaha menjadi insan yang sentiasa merendahkan diri serta menjauhi sifat sombong yang dikeji syarak dan dibenci oleh masyarakat.

أَعُوذُ بِاللَّهِ مِنَ الشَّيْطَانِ الرَّجِيمِ

وَلَا تَمْشِ فِي الْأَرْضِ مَرَحًا إِنَّكَ لَن تَخْرِقَ الْأَرْضَ وَلَن تَبْلُغَ الْجِبَالَ طُولًا ﴿٢٧﴾

Maksudnya: Dan janganlah engkau berjalan di bumi dengan berlagak sombong, kerana sesungguhnya engkau tidak akan dapat menembusi bumi dan engkau tidak akan dapat menyamai setinggi gunung-ganang. (Surah al-Isra' ayat 37)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ يَا فَوْزَ الْمُسْتَغْفِرِينَ وَيَا نَجَاةَ التَّائِبِينَ.



خطبة كدوا بولن دسيمبر

2021M/ 1443H

أَلْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى
آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ
وَرَسُولُهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تُقَاتِهِ وَاعْلَمُوا أَنَّ اللَّهَ أَمَرَكُمْ بِأَمْرِ عَظِيمٍ،
أَمَرَكُمْ بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى: إِنَّ اللَّهَ وَمَلَائِكَتُهُ
يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ،
كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ
مَجِيدٌ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا وَأَصْلِحْ أَيْمَتَنَا وَوَلَاةَ أُمُورِنَا وَاشْمَلِ اللَّهُمَّ بِعِنَايَتِكَ
وَتَوْفِيقِكَ عَلَى أَصْحَابِ الْجَلَالَةِ،

Kebawah Duli Yang Maha Mulia Seri Paduka Baginda Yang di-
Pertuan Agong, Al-Sultan Abdullah Ri'ayatuddin Al-Mustafa
Billah Shah Ibni Almarhum Sultan Haji Ahmad Shah Al-Musta'in
Billah dan Kebawah Duli Yang Maha Mulia Seri Paduka Baginda
Raja Permaisuri Agong, Tunku Hajah Azizah Aminah Maimunah
Iskandariah Binti Almarhum Al-Mutawakkil Alallah Sultan
Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji
Abdul Razak, Yang di-Pertua Negeri Pulau Pinang.

اللَّهُمَّ اكْشِفْ عَنَّا أَلْبَاءَ وَالْوَبَاءَ وَالْغَلَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا
ظَهَرَ مِنْهَا وَمَا بَطَنَ، عَنِ بَلَدِنَا هَذَا خَاصَّةً، وَعَنِ بُلْدَانِ الْمُسْلِمِينَ عَامَّةً، إِنَّكَ عَلَى
كُلِّ شَيْءٍ قَدِيرٌ.

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

*Ya Allah dengan sifat-Mu yang Maha Pemurah dan Maha
Mendengar! Kami hamba-Mu yang lemah merayu kepada-Mu
agar Engkau angkat dan hilangkan segera wabak penyakit*

Covid-19 yang sedang melanda kami agar dapat kami melaksanakan syiar-Mu dengan sempurna.

اللَّهُمَّ قَوِّ إِيْمَانَنَا، وَوَحِّدْ صُفُوفَنَا، وَاجْمَعْ قُلُوبَنَا عَلَى مَحَبَّتِكَ وَنُصْرَةِ شَرِيعَتِكَ،
بِرَحْمَتِكَ يَا أَرْحَمَ الرَّاحِمِينَ. سُبْحَانَ رَبِّكَ رَبِّ الْعِزَّةِ عَمَّا يَصِفُونَ، وَسَلَامٌ عَلَى
الْمُرْسَلِينَ، وَالْحَمْدُ لِلَّهِ رَبِّ الْعَالَمِينَ. ﴿سورة الصافات﴾